



BIBLIOTHECA
VIRGINI JAGELLI
CRACOVENSIS

cat.komp.

390901

Mag. St. Dr.



C

B

M

In

T

CONCLUSIONES
THEOLOGICÆ
EX TRACTATU
DE TRINITATE

Menti Solis Doctorum S.P.N. AUGU-
STINI per omnia

C O N F O R M E S

ac

In Solemniis Conversionis Ejusdem
Publico Certamini

E X P O S I T Æ.

38090-1



C R A C O V I Æ 1786.

TYPIS SCHOLÆ PRINCIPIS REGNI UNIVERSITA-
TIS CRACOVIENSIS.



1
Trinitatem omnipotentem quis intelligit?
Et quis non loquitur eam , si tamen intelligit eam? Rara anima , quæ cum de illa loquitur , sciat quid loquatur , et contendunt , & dimicant , & nemo sine pace vidit istam Visionem . S. P. AUGU: Lib. 13. Confess.
Cap. 11.

Quid est DEUS , & quæ ratio Ejus?
tibi sufficiat credere quia est , non autem curiose investigare , quid est ? Idem Lib.
de Trin.

390901

I

ALIO. JAG.



EX TRACTATU DE TRINITATE.

I. Mysterium Trinitatis sive supposita
sive non supposita revelatione nul-
la ratione naturali demonstrari potest. II.
Benè tamen ex pluribus Veteris Testamenti
locis adversus Judæos hæreticosque demon-
stratur, dari in Deo Trinitatem Personar-
um in unitate naturæ. III. Hanc tamen
expressius evincunt testimonia ex Novo
Testamento deprompta. IV. Inter quæ
germanus est non adscititius, neque dolo
vel oscitantia intrusus versus septimus
quinti cap. Epistolæ 1mæ S. Joannis. V.
Hujus etiam auctoritatem agnoverunt com-
plures Ecclesiæ Patres. VI. Proindeque nul-
lius ponderis sunt argumenta, quæ Socini-

J2 (Obi. Jag. ani

2012.573

ani adversus fidem Trinitatis ex Novo Testamento producunt. VII. Traditione quoque Patrum Divinarum Personarum numerus comprobatur. VIII. Imo neque inspecta humana ratione Catholicum de Trinitate dogma seipsum evertit. IX. Filius Dei fuit in aliqua substantia priusquam conciperetur ex Virgine. X. Is à Deo Patre genitus est, ac Filius dicitur non adoptione & gratia, sed generatione & natura. XI. Illumque habere eandem cum Patre substantiam Dogma fidei est. XII. Adeoque vocabulum *Omousion* rite atque opportune à Sacrosancta Nicæna fuit receptum Synodo. XIII. Spiritus S. vera est ac subsistens Persona Patrique & Filio per omnia consubstantialis. XIV. Proindeque Macedoniana adversus Ejusdem Spiritus S. Divinitatem nefaria hæresis apertissimè à Catholicis impugnatur. XV. Procedit autem Idem Spiritus S. à Patre & Filio. XVI. Consequenter immerito Latini de corrupto Symbolo redarguuntur à Græcis propter additam particulam *Filioque* XVII. Admittitur juremerito à Theologis missio Filii à Patre & Spiritus S. à Patre & à Filio. XVIII. Rectè etiam à Scholasticis usurpantur Græca & Latina vocabula, quoram in disputatione de Trinitate frequens est usus. XIX. Fidei sequentes dogmata, dari in Deo veram processi-
onem

onem eamque Metaphysicam sustinemus.
XX. Hæ autem in Deo processiones duæ sunt
tantum, nec plures nec pauciores. XXI. Qua-
rum principium quo proximum (ut ait Du-
randus) non est essentia Divina, neque so-
læ relationes originis ut volunt nonnulli.
XXII. Sed probabilius est intellectus &
voluntas notionales, prout connotant rela-
tiones Paternitatis & Spirationis activæ.
XXIII. Licet ex mente SS. Patrum ac præ-
cipue D. AUGUSTINI (Qui Lib. 3. cont.
Maximinum cap: 14. ait. *Quid inter nasci*
& procedere intersit? de illa excellentissima na-
tura loquens - - - distinguere inter illam
generationem & hanc processionem nescio, non
valeo, non sufficio.) benè sciamus, eviden-
tem non posse reddi rationem, cur pro-
cessio Filii dicatur generatio, non autem
Spiritus S. Horum attamen Patrum con-
*tra Macedonianos agentium vestigia secu-
ti, verosimiliorum rationem esse dicimus:*
cur Verbum dicatur & sit genitum potius
quam Spiritus S., quia Verbum procedit per
intellectum: qui sumptus præcisè quatenus
est intellectus perfectissimus vim habet pro-
ducendi terminum similem in natura; con-
tra Spiritus S. procedit per voluntatem:
quæ sumpta præcisè quatenus est voluntas
perfectissima parem vim non habet. XXIV.
Si Spiritus S. à Filio non procederet,
essent ambo una eademque Persona. XXV.

Si

Si relationes accipientur *concretè* & pro relativis, tres in Deo esse; si vero pro respectu & ordine sumantur quatuor posse admitti affirmamus. XXVI. Quomodo cunque tamen accipientur, sunt infinita quædam perfectio *incomplexè* cum Essentia Divina significabilis. XXVII. Spectata Patrum Ante-Nicænorum de Verbi divinitate fide; Ignatium Martyrem, Polycarpum, Justinum Athenagoram Philosophum, Irenæum Lugdunensium Episcopum atque Clementem Alexandrinum ab omni Arianismi ac Sabellianismi nota vindicamus. XXVIII. His tamen nequit cum Adamantio Origenes adscribi, qui in suis scriptis Hæresi Arianorum præluisse communi Patrum traditur testimonio. XXIX. Licet falso rumore de fide D. Dionysii præoccupatus Basilius, illum Arianis accenseat, Hunc tamen æquè ac Athanasium (hallucinationem Wolzogenii procul pellentes) catholice de Verbi divinitate sensisse constanter defendimus. XXX. Hacque Arianismi nota Occidentales Latinosque Patres Tertulianum scilicet, Cyprianum, Lactantium & Arnobium nequaquam pollutos esse dicimus. XXXI. At si de Osii Cordubensis Episcopi agatur fide, hunc tandem cessisse Arianis eorumque impietati consensisse ex Hilario, Theodoreto &

Atha-

Athanasio probamus. XXXII. Non obiit tamen in perfidia Ariana Osius. XXXIII. Nec Liberius Papa Arianæ consensit blasphemia. XXXIV. Nam licet subscripserat uni ex tribus Sirmiensibus formulæ, quæ interpretativè potest Ariana nuncupari. XXXV. Non tamen subscriptis tertiaræ, ut opinantur Valesius & Pagius. XXXVI. Et multo minus probavit secundam *formaliter* hæreticam: sive absolutè ut putat Blondellus, sive in una tantum parte, sicut visum est Petavio. XXXVII. Insigniter hallucinantur Græculi suspectam Basilii M. de Divinitate Spiritus S. asserentes fidem: Basilius etenim Catholicam de processione Spiritus S. veritatem & semper tenuit & docuit. XXXVIII. Catholicam de Trinitate fidem profitetur etiam Ecclesia in Hymno Eucharistico *Te DEUM laudamus*, &c. quem antiquæ Traditioni insistentes Sanctis Ambrosio atque Augustino tribuimus.

AD MAOREM DEI GLORIAM.

Propugnabuntur publicè in Conventu Casimirensi PP. Augustinianorum ad Aedes S. CATHARINÆ V. & M. Satisfacente Obiectis Fr. NICEPHORO RADECKI Theologiae Alumno, sub assistentia P. CONSTANTINI MIERZWINSKI Professoris Theologiae Die 5. Maji Anno Domini 1786.



916. JAG.

Biblioteka Jagiellońska



stdr0026620

